

## Hojii limaana Diigu-Kutaa 5

### Description

Kutaalee darban keessatti Rabbiin ala wanta biraatiif silati seenuu fi qalma qaluun (wareegun) shirkii akka ta'e ilaalle jirra. Har'as itti fufuun Rabbiin ala wanta biraatiif sujuudu fi ruku'a bu'uun (mataan gadi jechuun) shirkii akka ta'e ni ilaalla. Isin qophiidhaa?

(B)-Gara murtii Rabbii olta'aan ala wanta biraatif sujuudu fi ruku'a bu'uutti yoo dabarre immoo kuni shirkii zaahiraa (ifatti bahe) irraayyi. Shakkii hin qabu, sujuudaa fi ruku'uni ibaada Rabbii tokkicha shariika hin qabneef ta'uu qabaniidha. Namni Rabbii olta'aan ala kan biraatiif sujuude ykn rukuu'a bu'e shirkii hojjatee jira. Rabbiin subhaanahu wa ta'aalaa ni jedha:

﴿لَا تَسْجُدُوا لِلشَّمْسِ وَلَا لِلْقَمَرِ وَأَسْجُدُوا لِلَّهِ الَّذِي  
خَلَقَهُنَّ إِنْ كُنْتُمْ إِيمَانًا تَعْبُدُونَ﴾

**“Isa kan gabbartan yoo taatan, aduu fi ji'aaf hin sujuudinaa, Rabbii isaan uumeef sujuudaa.”**  
Suuratu Fussilat 41:37

Kana jechuun Isatti waa hin qindeessinaa. Isa gabbaruun keessan wanta biraan gabbaruu waliin isin hin fayyadu. Dhugumatti, Inni Isatti waa qindeefamu hin araaramu. (Ilaali Tafsiiru Ibn Kasiir 4/104)

Warri beekumsaa gariin ibsa aayata tanaa ilaachisee akkana jedhan: Namni Rabbiif gabricha qulqulluu ta'uu barbaade, Isa malee homaafu hin sujuudin, aduu fi ji'aaf hin sujuudin. Isaan lamaaniin (aduu fi ji'aan) uumamtoota olii gabbaruu irraa akeekachiise, uumamtooni gadii kan akka dhagaalee, mukkeen, qabrii fi kkf immoo san caalaa [irraa akeekachifamuun kan qabaniidha.] Sujuunni haqa Khaaliqaati. Wanti fedhee haa galu, hundemaa uumamaaf (makhluuqaaf) hin sujuudamu. Uumama keessatti aduun, jiyni, waliyyiin, nabiyyiin, dhagaan, mukni fi kkf wal qixxaatu. [Uumamtoota kanniin keessaa tokkofillee sujuunni hin ta'u.]” (Ad-Diinul Khaalis 2/53)

Akkasumas, aayat armaan olitti aanse Rabbiin subhaanahu wa ta'aalaa akkana jedhee jira:

﴿فَإِنْ أَسْتَكَنْتَ<sup>٢٨</sup> بِرْوًا فَالَّذِينَ عِنْدَ رَبِّكَ يُسَبِّحُونَ لَهُ بِاللَّيْلِ  
وَالنَّهَارِ وَهُمْ لَا يَسْمُونَ﴾

**“Yoo of tuulan, kanneen (malaaykonni) Gooftaa kee bira jiran halkanii guyyaa Isa qulqulleessu, isaan hin hifatan.”**

---

Suuratu Fussilat 41:38

Namni Rabbii tokkichaaf sujuude, Rabbii tokkichaaf gadi jedhee fi masakamee jira, gadi of xiqqeessu guutuu fi jaalala galmaan gahe. Faallaan kanaa, nama ibaadaadhaan Rabbiin tokkichoomsu irraa of tuuledha. Ibaada kana keessaa sujuuda. Rabbiin subhaanahu wa ta'aalaa of tuuloota kanniin adabbii nama salphisuu isaaniif waadaa galee jira:

﴿إِنَّ الَّذِينَ يَسْتَكْبِرُونَ عَنْ عِبَادَتِي سَيَدْخُلُونَ جَهَنَّمَ دَاخِرِينَ﴾

**“Dhugumatti, isaan Ana gabbaruu irraa boonan (of tuulan), salphattoota ta'anii Jahannam seenuf jiru.”** Suuratu Ghaafir 40:60

(Kana jechuun Ani Gooftaa isaanii qananii adda addaatiin isaan qananiisu ta'ee osoo jiru, namoonni of tuuluu isaanii keessatti lixuun Anaaf of gadi qabuu fi ajajamu didan, Guyyaa Qiyaamaa xiqqaattoota fi salphattoota ta'anii Jahannamiin ni seenu.[\[1\]](#))

Qurxubiin ni jedha: “sujuuda irraa dhoowwame kana wallaalonni mutasawwifaa yeroo sheekkota isaanitti seenan, dhageefatanii fi araarama isaan irraa kadhatan isaaniif sujuudu aadaa godhatanii jiru. Isaan keessaa tokko akka oduu isaatti haalli yoo isatti cime, wallaallumma isaa irraa kan ka'e miilaratti kufee sujuuda... carraaqqin isaa bade, hojiin isaas haxaawame.” (Tafsiir Qurxubii 1/294)

Ibsa shirkii kanaa ilaachisee Ibn Al-Qayyim akkana jedha: gosoota shirkii keessaa barataan sheekaf sujuududha. Nama sujuudu fi nama sujuudamufu irraa kuni shirkiidha. Wanti ajaa'iba, akka jechuu isaaniiti: kuni sujuudaa miti. kuni kabajuu fi gadi of qabuuf mataa miila sheekaa irra kaa'u qofaadha. Namoota kanniin akkana jedhama: wanta jettan osoo jettanii, haqiqan sujuudaa: kan sujuudamuuf jedhanii mataa lafa irra kaa'uudha. Haaluma kanaan, sanamaaf, aduuf, urjiif, dhagaaf sujuunni godhamu hundi mataa lafa irra kaa'udha. (Madaariju Saalikiin 1/344-345)

Ammas, ni jedha: sheekonni jallinnaa Goftummaaf dorgoman dhufanii barattoota (hordoftoota) isaanii isaaniif jecha akka mataa haaddatan ni miidhagsan. Akkuma isaaniif sujuudu isaaniif miidhagsanii fi maqaa isaatiin ala maqaa biraatii baasan. Ni jedhan, “Sheeka fuundura mataa lafarrat kaa'udha.” Rabbiin kakadhe! Dhugumatti, Rabbiif sujuudun Isa fuundura mataa lafarrat kaa'udha. Ammas akka isaaniif silati seenan, gara isaanitti tawbatan, maqaalee isaanitiin kakatan ni bareechisaniif. Kuni Rabbii gaditti goftoolee fi gabbaramtoota isaan godhachuudha. Rabbiin olta'aan ni jedha:

﴿مَا كَانَ لِبَشَرٍ أَنْ يُؤْتِيهُ اللَّهُ الْكِتَبَ وَالْحُكْمَ وَالنُّبُوَّةَ ثُمَّ يَقُولَ لِلنَّاسِ  
كُونُوا عِبَادًا لِّي مِنْ دُونِ اللَّهِ وَلَا كُنْ كُوُنُوا رَبِّيْنَ بِمَا كُنْتُمْ تُعَلِّمُونَ  
الْكِتَبَ وَبِمَا كُنْتُمْ تَدْرُسُونَ ﴾٧٤ وَلَا يَأْمُرُكُمْ أَنْ تَتَخِذُوا الْمَلِّيْكَةَ وَالنَّبِيِّنَ  
أَرْبَابًا أَيَّاً مُرْكُمْ بِالْكُفْرِ بَعْدَ إِذْ أَنْتُمْ مُسْلِمُونَ ﴾٧٥﴾

Ilma namaa tokkoof Rabbiin kitaaba, hukmii (beekumsaa fi hubannoo seera amantii) fi nabiyyummaa kennee ergasii namootaan, “Rabbii gadiitti anaaf gabroota ta’aa.” jechuun hin malu. Garuu [kan inni isaaniin jedhu], “Kitaaba waan barsiisaa turtanii fi waan qo’ataa turtaniif beektota beekumsa isaanitiin hojjatan ta’aa.” Malaykoota fi nabiyyoota gooftolee akka godhattan isin hin ajaju. Sila Muslimoota erga taatanii booda kufriitti isin ajajaa?” (Suuratu Aali-Imraan 3:79-80)

Ibaadan hundarra kabajamtu ibaadaa salaatati. Dhugumatti, sheekonni, warri ulamaa’ a fakkaatanii fi abbootin salaata qoodatanii jiru. sheekonni salaata keessaa wanta hundarra kabajamaa fudhatan. Innis sujuuda. Warri ulamaa’ a fakkaatanis salaata irraa rukuu’ a fudhatan. Gariin garii yoo qunname isaaf rukuu’ a bu’ a (mataan gadi jedhaaf), akkuma namni salaatu Gooftaa isaatifiif ruku’ a bu’ u. Moottonni abbaa irree immoo salaata irraa qiyaama (dhaabbanna) fudhatan. Isaan gabbaruuf namoonni bilisaa fi gabroonni mataa isaanii irra ni dhaabbatu, isaan immoo ni taa’ u. Ergamaan Rabbii sallallahu aleih wassallam dhimmoota sadan kana bal’ innaan irraa dhoowwanii jiru. Rabbiin ala wanta biraatiif sujuudu irraaakkana jechuun dhoowwe: “Tokko kan biraatiif sujuudun hin malu.” Kuni dhoowwamaa ta’uun amanti irraa dirqamaan kan beekkamedha. Sujuudni gosoota ibaadaa daangaa ol’ aanaa irra gahan keessaa tokkoodha. Mushrikni kuni gosa ibaada kana ilma namaatiif yoo hayyame, ibaadaa Rabbiin ala wanta biraatiif hayyamee jiraa jechuudha. Akkasumas, yeroo nagaha wal gaafatan mataan gadi jechuun sujuuda. Kana ilaachise jecha Rabbii olta’ aa:

وَإِذْ قُلْنَا أَدْخُلُوا هَذِهِ الْقَرْيَةَ فَكُلُّوْ مِنْهَا حَيْثُ شِئْتُمْ رَغْدًا وَأَدْخُلُوا  
الْبَابَ سُجَّدًا وَقُلُّوا حِلَّةً نَعْفِرْ لَكُمْ خَطَيْئَكُمْ وَسَنَزِيدُ



الْمُحْسِنِينَ

“Yeroo “Magaalatti tana seenaa, ishii irraas iddooyeen [nyaata] bal’aa nyaadhaa, Balbalichas sujuudaa seenaa, “Badii keenya nurraa harcaasi” jedhaa, badii keessan isiniif araaramnaati. Warra toltaa hojjataniis [mindaa] ni daballa.” Jenne, [yaadadhaa].”

---

Suuratu Al-Baqarah 2:58

Asitti **Balbalichas sujuudaa seenaa**, jechuun gadi jedhaa seenaa. Ta'uu baannan, kallacha lafa irra kaa'un seenun hin danda'amuu...

Wanti barbaadame, nafseen wallaaltuu jallattuu taate ibaadaa Rabbii subhaanahu dhiistee uumamtota irraa kan ol guddiste itti qindeessite. Kanaafu, Rabbiin ala kan biraatiif sujuudde, ruku'a buutef, akka salaataf dhaabbatanitti isa fuundura dhaabbatte. Rabbiin ala kan biraatin kakkatte, kan biraatiif nazrii (silati) seente, mataa haadatte, qalma qalte, Mana Isaatin ala kan biraat irra xawaafa goote... uumamtoota irraa wanta gabbaru Gooftaa aalamaatin wal qixxeessite. Namoonni kunnini da'awaa (waamicha) Ergamtootaa kan faallessaniidha. Isaan warra Rabbitti waa qixxeessaniidha. Wanta warri Rabbiin waliin waan biraat gabbaran guyyaa Qiyaamaa jedhan ilaachise Rabbiin olta'aan ni jedha:

﴿تَالَّهُ إِنْ كُنَّا لَفِي ضَلَالٍ مُّبِينٍ ﴾٩٧﴾ إِذْ نُسَوِّيْكُمْ بِرَبِّ الْعَالَمِينَ

**“Rabbiin kakanne! Dhugumatti jallinna ifa bahaa keessa turre, yommuu Gooftaa aalamaatti isin qixxeessinu.”** Suuratu Ash-Shu'uraa 26:97-98” Zaadul Ma'aad 4/159-161=gabaabbinnaan)

**Rabbiin ala wanta biraatiif sujuudun (kallacha (adda) lafa irra kaa'uu) fi ruku'u bu'uun (mataan gadi jechuun) shirkiidha.**

Kanaafu, namoonni masqala dhungachuuf qeeyisif gadi jedhanii fi batakiristaana fuunduratti mataa issanii gadi qaban, shirkii hojjataa jiru. Kana jechuun Rabbiin waliin qeysotaa fi masqala waaqefataa jiru. Namni Rabbiin waliin waan biraat osoo waaqefatu du'e, Rabbiin irraa araarama hin argatu, gonkuma Gannata hin seenu.Rabbiin subhaanahu wa ta'alaa ni jedha:

﴿إِنَّهُ وَمَنْ يُشْرِكُ بِاللَّهِ فَقَدْ حَرَمَ اللَّهُ عَلَيْهِ الْجَنَّةَ وَمَا أَوَّلَهُ النَّارُ<sup>ص</sup>  
وَمَا لِلظَّالِمِينَ مِنْ أَنْصَارٍ﴾

**“Dhugumatti, namni Rabbiin waliin waan biraat waaqefate, Rabbiin isarratti Jannata haraama (dhowwaa) taasiseera. Teessoon isaas ibidda. Zaalimootaf gargaartonni wayiitu hin jiran.”**

Suuratu Al-Maa'ida 5:72

---

[1] Ma'aariju Tafakkuri wa daqaa'iqu tadabburi -12/403

**Nawaqidul Iimaani al-qawliyah wal amalahay** fuula 272-... Abdulaziz bin Muhammad

---

**Author**

admin